

NUNATSINNI EQQARTUUSSIVINNI EQQARTUUSSISOOQATAASARTUT



Kalaallit 180-it miss. pinerluttulerinerni suliani eqqartuusseqataasarput.

KIKKUUPPAT?

Inuinnaapput, eqqartuussisoq inatsileritooq ikiorlugu pinerluttulerinerni suliani aalajangersimasuni eqqartuusseqataasartut.

Kommunini, eqqartuussisoqarfup sumiiffiani, najugaqarput aamma assigiinngitsunik ilinniagaqarsimasuullutillu suliffeqarput. Eqqartuussisooqataasutut sulisoqarsinnaanngilaq assersuutigalugu politiini suliffeqaraanni, advokatiugaanni parnaarussivimmiluunniit paarsisuugaanni.

EQQARTUUSSISOOQATAASARTUTUT SULIAQ

Pinerluttulerinerni sulianik suliaqartoqarnerni unnerluussisoq akiligassiinermiit sunniuteqarnerusumik pineqaatissiinissamik piumasaqarsimatillugu eqqartuussisooqataasartut eqqartuussisut ikiorlugit eqqartuusseqataasartut.

Suliani tamani eqqartuussisooqataasartut marluk eqqartuussisorlu ataaseq peqataasarput.

Eqqartuussisooqataasartut pisuussuteqar-neq pineqaatissiisutissarlu aalajangeeqataaffigisarpaat aalajangiinermilu eqqartuussisutulli oqartusaaqataasartigipput. Suliat amerlanersaat ullup affaaniit ulloq naallugu ingerlanneqartarput, suliali ilaat ulluni arlallini ingerlanneqarsinnaasarput. Eqqartuussisooqataasartut ullut eqqartuussivimmiiffitik tamaasa akissarsiaqaatigisavaat. Nalinginnaasumik ukiumut sisamatallimariarlutik aggersarneqartassapput. Eqqartuussisooqataasartut suliffillit eqqartuussivimmukassatillutik freersinnaatitaapput.

Suliaq aallartitsinnagu eqqartuussisooqataasartut eqqartuussisoq inimi immikkoortumi naapeqatigisavaat, eqqartuussisullu naatsumik oqaluttuarissavaa suliaq sumut tunngasuunersooq. Suliami uppersaatiit eqqartuussinermi tusareerlugit eqqartuussisooqataasartut eqqartuussisorlu tunuarlutik eqqartuussapput unnerluutigineqartoq pisuunersooq aamma qanoq pineqaatissiisogassanersooq. Tamatama kingorna eqqartuussut eqqartuussisumit inimi eqqartuussiviusartumi atuarneqassaaq.

QANOQ EQQARTUUSSISOOQATAASAR- TUNNGORTOQARTARPA

Eqqartuussisooqarfinni eqqartuussisooqataasartut kommunalbestyrelsimiit toqqarneqartarput Kalaallit Nunaanni Eqqartuussivimmi eqqartuussisup innersuussuteqarnerata kingorna. Kalaallit Nunaanni Eqqartuussivimmi aamma Nunatta Eqqartuussisuuneqarfiani eqqartuussisooqataasartut Naalakkersuisunit toqqarneqartarput Kalaallit Nunaanni Eqqartuussivimmi eqqartuussisup aamma Nunatta eqqartuussisuunera innersuussuteqarnerisa kingorna.

Eqqartuussisooqataasartunngornissat soqutigigukku eqqartuussisoqarfik najukkanniittoq imaluunniit Kalaallit Nunaanni Eqqartuussivik e-mailikkut attaveqarfigisinnaavat uunga:

Eqqartuussisoqarfik Qaasuitsooq:

post.qaasuitsup@domstol.gl

Eqqartuussisoqarfik Qeqqata:

post.qeqqata@domstol.gl

Eqqartuussisoqarfik Sermersooq:

post.sermersooq@domstol.gl

Eqqartuussisoqarfik Kujalleq:

post.kujalleq@domstol.gl

Kalaallit Nunaanni Eqqartuussivik:

post.rig@domstol.gl

Eqqartuussisooqataajumallutik nalunaartut naammattumik amerlassuseqanngippata makitsinikkut toqqaasariaqalersinnaavugut. Makitaagaanni naaggaartoqarsinnaanngilaq. Suliaq inuiaqatigiinnik sullisisussaanevoq, tassa innuttaasutut pisussaaffiuvoq.



SULIAQ SOQUTIGINARTOQ AKISUSSAASSUSEQARNARTORLU

Eqqartuussisooqataasartorpassuit suliasaq nuannaaraat, naak allanik eqqartuussineq akisussaafferujussuugaluartoq. Eqqartuussisooqataasartut inatsisinik male-ruagassanillu Inatsisartut Folketingillu akuersimasaannik malinnittussapput, eqqartuussisullu maleruagassat pillugit tamatigut nassui-aassisarussapput.

Eqqartuussisooqataasut eqqartuussinerit ingerlanerini arajutsisaqarnaveersaassapput, taamaallutik oqaatigineqartut tamaasa tusarnaassavaat. Suliat marluk assigiinneq ajorput, sulianilu tamani eqqortumik naleqquttumillu aalajangiinissaq anguniarneqartarpoq. Pisuunermik naliliilluni pineqaatissiisumillu aalajangersaalluni akisussaafferujuarmut innuttaasut amerlasuut peqataatinneqarnissaat Eqqartuussisooqataasartut pillugit Nunatsinni maleruagassanit qularnaarneqarpoq.

PAASISAQARNERUGIT

Eqqartuussisoqarfiit suliaat pillugit aamma Kalaallit Nunaanni Eqqartuussivinni sulineq pillugu eqqartuussivik.gl-imi paasisaqarnerusinnaavutit.

Eqqartuussisooqataasartooq

Eqqartuussisoq

Eqqartuussisooqataasartooq



Suliarineqarpoq aallaavigineqarluni "Domsmænd og nævninge ved Danmarks Domstole", saqqummersinneqartoq Eqqartuussivinnik Aqutsisoqarfimmit, Store Kongensgade 1-3, 1264 K. Tlf. 70 10 33 22, E-mail: post@domstolsstyrelsen.dk. Kalaallit Nunaanni Eqqartuussivimmit Nunatsinni pissutsinut tullu-arsarneqarpoq